

Vto Nuenburgensis episcopus. Willimarus Brandenburgensis episcopus. Gerungus Misnensis episcopus. Lûdewicus Monasteriensis episcopus. Burchardus abbas Fuldensis. Henricus dux Bawarię et Saxonię. Adelbertus marchio. Otto marchio. Didericus marchio. Lûdewicus comes provincialis. Cûnradus palatinus comes Reni. Didericus comes. Comes Hermannus. Comes Henricus. Comes Guntherus. Comes Adelgerus. Comes Sigeboto et alii quamplurimi comites et liberi.

:Signum domini Friderici Romanorum imperatoris augusti (M.) invictissimi.: (SJ.)

:Ego Henricus cancellarius vice Cristiani Mogontiensis archiepiscopi et archicancellarii recognovi.:

10 Datum xi. kal. iulii, indictione iii, anno dominicę incarnationis millesimo M C LXX, regnante domino Friderico Romanorum imperatore augusto, anno regni eius xviii, imperii vero xvi; actum Erpesfort; in Christo feliciter amen.

## 367.

15 *Kaiser Friedrich I. verkündet den Beschluß der Reichsfürsten und des Markgraf Otto von Meißen auf Anregung des Bischofs Hugo von Verden, daß dem Vogt gar kein Recht über die Kirchengausstattung und jene ihrer Priester zustehe.* Erfurt, 1170 Juni 23.

*Hdschr.: Cop. Verd. (sec. XIII.) No. 24. Staatsarchiv Hannover.*

*Gedr.: Mon. Germ. 4,141. v. Hodenberg, Verdner Geschichtsq. 2,46. Stumpf 4115.*

F[ridericus] dei gratia Romanorum imperator augustus. Imperatorie maiestatis  
20 est officium negotiis imperii iuxta legum instituta et canonum decreta pacem et iustitiam providere et precipue ecclesie dei, cuius precibus et oratione promoveri speramus, et in domino confidentius regnare. Eapropter notum facimus universis imperii nostri fidelibus tam futuris quam presentibus, quod dilectus ac fidelis noster imperii princeps Hugo venerabilis ecclesie Uerdensis episcopus ad curiam nostram veniens sententiam requisivit,  
25 utrum cuiquam advocato liceat aliquod ius posse vel debere exercere in dotem alicuius ecclesie vel clerici in ea manentis vel in rebus suis vivi seu morientis. Habita itaque super huius questione diligenti principum deliberatione in presentia ipsorum a marchione Otto de Misna super huius rei negotio iudicium requisivimus. Ipse igitur habito universorum principum et nobilium atque aliorum sapientum consilio generalem in generali  
30 curia sententiam protulit, nullum prorsus advocatum aliquod ius habere in dotem alicuius ecclesie nec in rebus clerici in ea manentis nec in vita nec in morte. Cui omnes applauserunt et unanimi acclamatione rationabilem assensum prebuerunt. Quocirca eidem sententie auctoritatis nostre maiestatem clementer applicantes statuimus et firmiter sancimus, ne aliquis persona humilis vel magna vel ecclesiastica seu secularis audeat obviare  
35 huic iudicio tam sollempniter et tam rationabiliter celebrato. Unde et presentem paginam conscribi iussimus et maiestatis nostre sigillo corroborari. Quicumque ergo eam infregerit vel saltem infringere temptaverit, maiestatis nostre reus et a gratia nostra proscriptus